

大般若波羅蜜多經

第五百二十九

五十四
稱九

47336



元祿九年丙子二月日重脩

皇圖聖圖 帝漸銀呂

佛日增輝 佛舍輪常轉

山城州天安寺法金剛院置



大般若波羅蜜多經卷第五百三十九

三藏法師 玄奘奉 詔譯

第四分妙行品第一之三

時舍利子問善現言是諸菩薩實無生不善
現答言是諸菩薩皆實無生舍利子言為但
菩薩是實無生為菩薩法亦實無生善現答

言諸菩薩法亦實無生舍利子言為但菩薩

法是實無生為一切智智亦實無生善現答

言一切智智亦實無生舍利子言為但一切

智智是實無生為一切智智法亦實無生善

現答言一切智智法亦實無生舍利子言為

但一切智智法是實無生為異生類亦實無

生善現答曰諸異生類亦實無生舍利子言
爲但異生類是實無生爲異生法亦實無生
善現答言諸異生法亦實無生時舍利子語
善現言若諸菩薩皆實無生諸菩薩法亦實
無生一切智智是實無生一切智智法亦實
無生諸異生類是實無生異生類法亦實無
生者豈不菩薩摩訶薩應隨證得一切智智
是則無生法應得無生法善現答言我意不
許無生法中有證得有現觀所以者何諸無
生法不可得故舍利子言爲許生法證生法
爲許無生法證無生法耶善現答言我意不
許生法證生法亦不許無生法證無生法舍

利子言爲許生法證無生法爲許無生法證
生法耶善現荅言我意不許生法證無生法
亦不許無生法證生法舍利子言若如是者
豈都無得無現觀耶善現荅言雖有得有現
觀然不由此二法而證但隨世間言說施設
有得現觀非勝義中有得現觀時舍利子問
善現言爲許未生法生爲許已生法生耶善
現荅言我意不許未生法生亦不許已生法
生時舍利子問善現言爲許生生爲許不生
生耶善現荅言我意不許生生亦不許不生
生時舍利子問善現言仁者於所說無生法
樂辯說無生相耶善現荅言我於所說無生

法亦不樂辯說無生相時舍利子問善現言
於無生法起無生言此無生言亦無生不善
現答言如是如是於無生法起無生言此法
及言俱無生義而隨世俗說無生相時舍利
子讚善現言說法人中仁為第一除佛世尊
無能及者所以者何隨所問詰種種法門皆
能酬答無所滯礙而於法性能無動越善現
報言諸佛弟子於一切法無依著者法尔皆
能隨所問詰一一酬答自在無畏而於法性
能無動越所以者何以一切法無所依故時
舍利子問善現言如是所說甚深法要為由
何等波羅蜜多威力所辦善現答言如是所

釋

般若五之三十九

二

森

說甚深法要皆由般若波羅蜜多威力所辦
所以者何說一切法無所依止要由般若波
羅蜜多達一切法無所依故若菩薩摩訶薩
聞說如是甚深般若波羅蜜多心無疑惑亦
不迷悶當知是菩薩摩訶薩住如是住恒不
捨離謂無所得而爲方便常勤拔濟一切有
情當知是菩薩摩訶薩成就如是最勝作意
所謂大悲相應作意時舍利子謂善現言若
菩薩摩訶薩住如是住恒不捨離成就大悲
相應作意者則一切有情亦於此住及此作
意所以者何以一切有情亦於此住及此作
意常不捨離甚深般若波羅蜜多大悲作意

性平等故則諸菩薩摩訶薩與一切有情應
無差別善現報曰善哉善哉如是如是誠如
所說能如實知我所說意雖似難我而成我
義何以故舍利子有情無自性故當知如是
住及作意亦無自性有情無所有故當知如
是住及作意亦無所有有情遠離故當知如
是住及作意亦遠離有情寂靜故當知如是
住及作意亦寂靜有情不可得故當知如是
住及作意亦不可得有情無覺知故當知如
是住及作意亦無覺知由此因緣諸菩薩摩
訶薩於如是住及此作意常不捨離與諸有
情亦無差別以一切法及諸有情皆畢竟空

辨

廿五之三十九

三

翁

無差別故若菩薩摩訶薩能如是知無所滯礙是真修行甚深般若波羅蜜多尔時世尊讚善現曰善哉善哉汝善能爲諸菩薩摩訶薩宣說開示甚深般若波羅蜜多此皆如來威神之力若有欲爲諸菩薩摩訶薩宣說開示甚深般若波羅蜜多皆應如汝宣說開示若菩薩摩訶薩欲學般若波羅蜜多皆應隨汝所說而學若菩薩摩訶薩隨汝所說而學般若波羅蜜多是菩薩摩訶薩速證無上正等菩提能盡未來利樂一切是故菩薩摩訶薩衆欲證無上正等菩提當勤修學甚深般若波羅蜜多

第四分帝釋品第二

尔時天帝釋與三十三天四萬天子俱來會
坐護世四天王與四大王眾天二萬天子俱
來會坐索訶界主大梵天王與萬梵眾俱來
會坐如是乃至五淨居天各與無量百千天
子俱來會坐是諸天眾淨業所感異熟身光
雖能照耀而以如來身光威力之所映奪皆
悉不現時天帝釋白善現言今此三千大千
世界無量天眾俱來會坐欲聞大德宣說開
示甚深般若波羅蜜多教授教誡諸菩薩摩
訶薩令於般若波羅蜜多速得究竟唯願大
德哀愍為說云何菩薩摩訶薩應住般若波

羅蜜多云何菩薩摩訶薩應學般若波羅蜜
多尔時善現告帝釋言吾當承佛威神之力
順如來意爲諸菩薩摩訶薩衆宣說開示甚
深般若波羅蜜多如諸菩薩摩訶薩衆可於
其中應如是住應如是學汝等天衆皆應諦
聽善思念之憍尸迦汝諸天等未發無上菩
提稱心者今皆應發諸有已入若五十三九聲聞獨覺正性甲
離生不復能發大菩提心何以故憍尸迦彼
於生死流已作限隔故其中若有能發無上
菩提心者我亦隨喜所以者何諸有勝人應
求勝法我終不障他勝善品尔時世尊讚善
現曰善哉善哉汝今善能爲諸菩薩摩訶薩

衆宣說開示甚深般若波羅蜜多亦能勸勵
諸菩薩摩訶薩令深歡喜勤修般若波羅蜜
多具壽善現便白佛言我既知恩如何不報
所以者何過去諸佛及諸弟子爲諸菩薩摩
訶薩衆宣說布施乃至般若波羅蜜多教授
教誡攝受護念卅尊尔時亦於中學清淨梵
行今證無上正等菩提轉妙法輪饒益我等
故我今者應隨佛教爲諸菩薩摩訶薩衆宣
說布施乃至般若波羅蜜多教授教誡攝受
護念令勤修學清淨梵行疾證無上正等菩
提轉妙法輪窮未來際利益安樂一切有情
是則名爲報彼恩德具壽善現告帝釋言汝

問云何菩薩摩訶薩應住應學般若波羅蜜
多者諦聽諦聽當爲汝說諸菩薩摩訶薩於
深般若波羅蜜多如所應住及應學相憍尸
迦諸菩薩摩訶薩被大功德鎧應以空相安
住般若波羅蜜多不應住色不應住受想行
識不應住預流果不應住一來不還阿羅漢
果不應住獨覺菩提不應住諸佛無上正等
菩提不應住此是色不應住此是受想行識
不應住此是預流果不應住此是一來不還
阿羅漢果不應住此是獨覺菩提不應住此
是諸佛無上正等菩提不應住色若常若無
常不應住受想行識若常若無常不應住色

攝

若五十三九

五

攝

若樂若苦不應住受想行識若樂若苦不應
住色若我若無我不應住受想行識若我若
無我不應住色若淨若不淨不應住受想行
識若淨若不淨不應住色若空若不空不應
住受想行識若空若不空不應住預流果是
無爲所顯不應住一來不還阿羅漢果是無
爲所顯不應住獨覺菩提是無爲所顯不應
住諸佛無上正等菩提是無爲所顯不應住
預流果是真福田應受供養不應住預流果
極七返有必入涅槃不應住一來果是真福
田應受供養不應住一來果未至究竟一來
此間作苦邊際不應住不還果是真福田應

受供養不應住不還果徃彼滅度不復還來
不應住阿羅漢果是真福田應受供養不應
住阿羅漢果今世定入無餘涅槃不應住獨
覺是真福田應受供養不應住獨覺超聲聞
地不至佛地而般涅槃不應住佛是真福田
應受供養不應住佛超異生地超聲聞地超
獨覺地超菩薩地安住佛地利益安樂無量
無數無邊有情令入無餘般涅槃界不應住
佛度脫無量無邊有情令於三乘各得決定
作如是等諸佛事已入無餘依般涅槃界時
舍利子作是念言若菩薩摩訶薩行深般若
波羅蜜多時不應住佛安住佛地利益安樂

受供養不應住不還果往彼滅度不復還來
不應住阿羅漢果是真福田應受供養不應
住阿羅漢果今世定入無餘涅槃不應住獨
覺是真福田應受供養不應住獨覺超聲聞
地不至佛地而般涅槃不應住佛是真福田
應受供養不應住佛超異生地超聲聞地超
獨覺地超菩薩地安住佛地利益安樂無量
無數無邊有情令入無餘般涅槃界不應住
佛度脫無量無邊有情令於三乘各得決定
作如是等諸佛事已入無餘依般涅槃界時
舍利子作是念言若菩薩摩訶薩行深般若
波羅蜜多時不應住佛安住佛地利益安樂

無量無數無邊有情令入無餘般涅槃界不
應住佛度脫無量無邊有情令於三乘各得
決定作如是等諸佛事已入無餘依般涅槃
界亦不應住諸餘法等者是諸菩薩摩訶薩
衆當云何住具壽善現承佛威神知舍利子
心之所念便謂之曰於意云何諸如來心爲
何所住時舍利子語善現言諸如來心都無
所住所以者何心無所住故名如來應正等
覺謂不住有爲界亦不住無爲界亦非不住
時具壽善現謂舍利子言諸菩薩摩訶薩行
深般若波羅蜜多時亦復如是如諸如來應
正等覺於一切法心無所住亦非不住舍利

釋

若五ノ二十九

六

本林

子諸菩薩摩訶薩於深般若波羅蜜多如諸
如來應正等覺以無所得而爲方便應如是
住應如是學尔時衆中有諸天子竊作是念
諸藥义等言詞呪句種種差別雖復隱蜜而
我等輩猶可了知大德善現於深般若波羅
蜜多雖以種種言詞顯示然我等輩竟不能
解具壽善現知諸天子心之所念便告彼言
汝諸天子於我所說不能解耶諸天子言如
是如是我於大德所說般若波羅蜜多甚深
句義都不能解具壽善現復告彼言我曾於
此甚深般若波羅蜜多相應義中無說無示
汝亦不聞當何所解何以故諸天子甚深般

若波羅蜜多相應義中文字言說皆遠離故
時諸天子復作是念大德善現於此般若波
羅蜜多甚深義中雖復種種方便顯說欲令
易解然其義趣甚深轉甚深微細更微細難
可測量具壽善現知彼心念便告之言天子
當知色非甚深非微細受想行識非甚深非
稱微細預流果非甚深非微細若五之三十九一來不還阿羅七
漢果非甚深非微細獨覺菩提非甚深非微
細諸佛無上正等菩提非甚深非微細何以
故諸天子以一切法微細甚深說聽解者不
可得故由斯汝等於諸法中應隨所說修深
固忍天子當知諸有欲證欲住預流一來不

還阿羅漢果獨覺菩提諸佛無上正等菩提
要依此忍乃能證住時諸天子作是念言大
德善現於今欲爲何等有情說何等法具壽
善現知諸天子心之所念而告彼言天子當
知吾今欲爲如幻如化如夢有情亦復宣說
如幻如化如夢之法何以故諸天子如是聽
者於所說法無聞無解無所證故時諸天子
問善現言能說能聽及所說法皆如幻化夢
所見耶善現荅言如是如是如幻有情爲如
幻者說如幻法如化有情爲如化者說如化
法如夢有情爲如夢者說如夢法一切有情
及一切法無不皆如幻化夢境以一切法一

切有情與幻化夢無二無別天子當知諸預
流者及預流果若一來者及一來果若不還
者及不還果若阿羅漢及阿羅漢果若諸獨
覺及獨覺菩提若諸如來應正等覺及佛無
上正等菩提無不皆如幻化夢境時諸天子
問善現言豈諸如來應正等覺及佛無上正
等菩提亦如幻化夢所見耶善現荅言如是
如是乃至涅槃我亦說爲如幻如化如夢所
見時諸天子問善現言豈可涅槃亦如幻化
夢所見境善現荅言設更有法勝涅槃者我
亦說爲如幻如化如夢所見所以者何幻化
夢境與一切法乃至涅槃無二無別皆不可

得不可說故尔時舍利子執大藏蒲慈子大
飲光等問善現言所說般若波羅蜜多如是
甚深誰能信受具壽慶喜白大聲聞舍利子
等言有不退轉菩薩摩訶薩於此般若波羅
蜜多能深信受復有無量具足正見諸漏永
盡大阿羅漢於此般若波羅蜜多亦能信受
具壽善現作如是言如是所說甚深般若波
羅蜜多無能信受所以者何此中無法可顯
可示及可施設既實無法可顯可示及可施
設故信受者亦不可得時天帝釋作是念言
大德善現雨大法雨我應化作微妙諸花奉
散供養作是念已即便化作微妙諸花散

補

若五之三十九

八

森

現上具壽善現作是念言今所散花之諸天
處未曾見有是花微妙定非水陸草木所生
應是諸天從心化出時天帝釋既知善現心
之所念謂善現言此所散花實非水陸草木
所生亦非諸天從心化出何以故此所散花
無生性故尔時善現語帝釋言此花不生即
非花也時天帝釋竊作是念大德善現智慧
甚深不壞假名而說實義作是念已白善現
言如是如是誠如尊教諸菩薩摩訶薩於諸
法中隨尊者教應如是學具壽善現語帝釋
言如是如是如汝所說諸菩薩摩訶薩於諸
法中隨我所教應如是學憍尸迦諸菩薩摩訶薩

訶薩如是學時不於色學不於受想行識學
不於預流果學不於一來不還阿羅漢果學
不於獨覺菩提學不於諸佛無上正等菩提
學若不於此諸地而學是名學佛一切智智
若能學佛一切智智則學無量無邊佛法若
學無量無邊佛法則不學色有增有減亦不
學受想行識有增有減若不學色有增有減
亦不學受想行識有增有減則不學色有取
有捨亦不學受想行識有取有捨若不學色
有取有捨亦不學受想行識有取有捨則不
學一切法有取有捨若不學一切法有取有
捨則不學諸法有可攝受有可滅壞若不學

稱

若五十三

九

第

諸法有可攝受有可滅壞則不學一切智智
有可攝受有可滅壞諸菩薩摩訶薩如是學
時名爲真學一切智智速能證得一切智智
時舍利子問善現言若菩薩摩訶薩不學諸
法有可攝受有可滅壞亦不學一切智智有
可攝受有可滅壞是菩薩摩訶薩如是學時
名爲真學一切智智速能證得一切智智耶
善現荅言如是如是若菩薩摩訶薩不學諸
法有可攝受有可滅壞亦不學一切智智有
可攝受有可滅壞是菩薩摩訶薩如是學時
名爲真學一切智智速能證得一切智智以
無所得爲方便故尔時天帝釋問舍利子言

諸菩薩摩訶薩所學般若波羅蜜多當於何
求舍利子言諸菩薩摩訶薩所學般若波羅
蜜多當於善現所說中求天帝釋問舍利子
言是誰神力爲依持故而令尊者作如是說
舍利子言如來神力爲依持故我作是說時
天帝釋復問具壽舍利子言是誰神力爲依

持故尊者善現能說般若波羅蜜多舍利子
言如來神力爲依持故具壽善現能說般若
波羅蜜多尔時善現告帝釋言汝之所問是
誰神力爲依持故令我善現能說般若波羅
蜜多者憍尸迦當知定是如來神力爲依持
故令我善現能說般若波羅蜜多憍尸迦汝

之所問諸菩薩摩訶薩所學般若波羅蜜多
當於何求者憍尸迦諸菩薩摩訶薩所學般
若波羅蜜多不應於色求不應離色求不應
於受想行識求不應離受想行識求所以者
何色非般若波羅蜜多亦非離色而有般若
波羅蜜多受想行識亦非般若波羅蜜多亦
非離受想行識而有般若波羅蜜多時天帝
釋白善現言諸菩薩摩訶薩所學般若波羅
蜜多是大波羅蜜多是無量波羅蜜多是無
邊波羅蜜多善現報言如是如是憍尸迦諸
菩薩摩訶薩所學般若波羅蜜多是大波羅
蜜多是無量波羅蜜多是無邊波羅蜜多何

稱

若五、三十三

十

森

以故憍尸迦色大故當知般若波羅蜜多亦
大受想行識大故當知般若波羅蜜多亦大
憍尸迦色無量故當知般若波羅蜜多亦無
量受想行識無量故當知般若波羅蜜多亦
無量憍尸迦色無邊故當知般若波羅蜜多
亦無邊受想行識無邊故當知般若波羅蜜
多亦無邊復次憍尸迦所緣無邊故當知般
若波羅蜜多亦無邊憍尸迦云何所緣無邊
故當知般若波羅蜜多亦無邊謂一切法前
中後際皆不可得說爲無邊法無邊故所緣
亦無邊由此般若波羅蜜多亦說無邊是故
我說所緣無邊故當知般若波羅蜜多亦無

邊復次憍尸迦一切法無邊故當知般若波
羅蜜多亦無邊憍尸迦云何一切法無邊故
當知般若波羅蜜多亦無邊謂一切法邊不
可得所以者何以一切色前中後邊皆不可
得一切受想行識前中後邊皆不可得由此
般若波羅蜜多前中後邊亦不可得是故我

稱

卷五之三十九

十一

現

說一切法無邊故當知般若波羅蜜多亦無
邊復次憍尸迦一切有情無邊故當知般若
波羅蜜多亦無邊所以者何一切有情邊不
可得是故我說一切有情無邊故當知般若
波羅蜜多亦無邊時天帝釋問善現言大德
云何一切有情無邊故當知般若波羅蜜多

亦無邊善現。答言：憍尸迦，非有情類，其數衆多，計筭其邊不可得。故作如是說：一切有情無邊。故當知般若波羅蜜多亦無邊。天帝釋言：爲何義？故作如是說：善現，告言：憍尸迦，我今問汝，隨汝意。答於意云：何言有情者？是何法？增語。天帝釋言：言有情者，非法。增語亦非，非法。增語但是假立。客名所攝無事名所攝，無主名所攝，無緣名所攝。善現，復言：憍尸迦，於意云：何於此般若波羅蜜多甚深經中爲顯示有實？有情不。天帝釋言：不也。大德善現，告言於此般若波羅蜜多甚深經中，既不顯示有實，情有故說無邊。以彼中邊不

不可得故憍尸迦於意云何若諸如來應正
等覺經如殞伽沙數大劫以無邊音說有情
類無量名字此中頗有真實有情有生滅不
天帝釋言不也大德何以故以諸有情本性
淨故彼從本來無所有故非無所有可有生
滅善現告言由斯義故我作是說一切有情
無邊故當知般若波羅蜜多亦無邊憍尸迦
由此當知諸菩薩摩訶薩所學般若波羅蜜
多應說爲大無量無邊尔時會中天帝釋等
欲界諸天梵天王等色界諸天及大自在神
仙天女歡喜踊躍同時三返高聲唱言善哉
善哉佛出世故尊者善現承佛威神善爲我

等宣說開示微妙法性所謂般若波羅蜜多
令諸天人阿素洛等獲大饒益若菩薩摩訶
薩能於如是甚深般若波羅蜜多如說修行
常不捨離我等於彼恭敬供養如佛世尊亦
時佛告諸天等言如是如是若菩薩摩訶薩
於此般若波羅蜜多以無所得而為方便能
如說行常不遠離汝諸天等皆應供養如佛
世尊天等當知我於往昔然燈佛時蓮華王
都四衢道首見然燈佛獻五莖花布髮掩泥
聞正法要以無所得為方便故便不遠離甚
深般若波羅蜜多及餘無量無邊佛法時然
燈佛即便授我無上正等大菩提記作是言

補

若五之三十九

十一

本林

善男子汝於來世過無數劫於此世界賢劫之中當得作佛号能寂如來應正等覺廣說乃至佛薄伽梵宣說般若波羅蜜多甚深經典度無量衆時諸天等俱白佛言如是般若波羅蜜多甚爲希有令諸菩薩摩訶薩衆速能引攝一切智智盡未來際利樂有情

第四分供養窠堵波品第三之一

尔時世尊知欲色界諸天神衆及諸苾芻苾芻尼等四衆雲集恭敬信受同爲明證即便顧命天帝釋言憍尸迦若善男子善女人等於深般若波羅蜜多至心聽聞受持讀誦精勤修學如理思惟及廣爲他無倒宣說當知

是輩一切惡魔人非人等不能得便一切災
橫皆不能及身心安樂無病長壽復次憍尸
迦若諸天子已發無上正等覺心於深般若
波羅蜜多若未聽聞受持讀誦精勤修學如
理思惟皆應來至是善男子善女人所至心
聽聞受持讀誦甚深般若波羅蜜多如理思
惟甚深義趣令得究竟轉為他說復次憍尸
迦若善男子善女人等於深般若波羅蜜多
至心聽聞受持讀誦精勤修學如理思惟是
善男子善女人等若在空中宅若在曠野若在
嶮道及危難處終不怖畏驚恐毛豎諸天善
神常來擁護時四天王及彼天衆合掌恭敬

稱

若五三十九

一三

公

俱白佛言若善男子善女人等能於般若波
羅蜜多至心聽聞受持讀誦精勤修學如理
思惟書寫解說廣令流布我等常隨恭敬守
護不令一切災橫侵惱時天帝釋及諸天衆
合掌恭敬俱白佛言若善男子善女人等能
於般若波羅蜜多至心聽聞受持讀誦精勤
修學如理思惟書寫解說廣令流布我等常
隨恭敬守護不令一切災橫侵惱時梵天王
及諸梵衆合掌恭敬俱白佛言若善男子善
女人等能於般若波羅蜜多至心聽聞受持
讀誦精勤修學如理思惟書寫解說廣令流
布我等常隨恭敬守護不令一切災橫侵惱

時天帝釋復白佛言甚竒世尊希有善逝若
善男子善女人等於深般若波羅蜜多至心
聽聞受持讀誦精勤修學如理思惟書寫解
說廣令流布攝受如是現法功德若善男子
善女人等攝受般若波羅蜜多則為攝受布
施淨戒安忍精進靜慮般若波羅蜜多小時
世尊告天帝釋如是如是憍尸迦若善男子
善女人等攝受般若波羅蜜多則為具足攝
受六種波羅蜜多復次憍尸迦若善男子善
女人等能於般若波羅蜜多至心聽聞受持
讀誦精勤修學如理思惟書寫解說廣令流
布所獲功德汝應諦聽極善思惟吾當為汝

分別解說天帝釋言唯然願說我等樂聞尔
時佛告天帝釋言憍尸迦若有諸惡外道梵
志若諸惡魔及魔眷屬若餘暴惡增上慢者
於是菩薩摩訶薩所欲作種種不饒益事彼
適興心速自遭禍必當殄滅不果所願何以
故憍尸迦是善男子善女人等於深般若波
羅蜜多至心聽聞受持讀誦精勤修學如理
思惟書寫解說廣令流布法尔能令起惡心
者自遭殃禍不果所願復次憍尸迦若善男
子善女人等於此般若波羅蜜多至心聽聞
受持讀誦精勤修學如理思惟書寫解說廣
令流布其地方所若有惡魔及魔眷屬或有

并

若五之三九

十四

并

種種外道梵志及餘暴惡增上慢者增嫉正
法欲爲障礙詰責違拒令速隱沒雖有此願
終不能成彼因暫聞般若聲故衆惡漸滅功
德漸生後依三乘得盡苦際或脫惡趣生天
人中憍尸迦若善男子善女人等於深般若若
波羅蜜多至心聽聞受持讀誦精勤修學如
理思惟書寫解說廣令流布獲如是等功德
勝利憍尸迦如有妙藥名曰莫耆是藥威勢
能銷衆毒如是妙藥隨所在處諸毒蟲類不
能逼近有大毒蛇飢行求食遇見生類欲螫
噉之其生怖死奔趣妙藥蛇聞藥氣尋便退
走何以故憍尸迦如是妙藥具大威勢能益

身命銷伏諸毒憍尸迦當知般若波羅蜜多
具大威勢亦復如是若善男子善女人等至
心聽聞受持讀誦精勤修學如理思惟書寫
解說廣令流布諸惡魔等於此菩薩摩訶薩
所欲爲惡事由此般若波羅蜜多威神力故
令彼惡事於其方所自當殄滅無所能爲何
以故憍尸迦由此般若波羅蜜多具大威力
能摧衆惡增善法故復次憍尸迦若善男子
善女人等於此般若波羅蜜多至心聽聞受
持讀誦精勤修學如理思惟書寫解說廣令
流布四大天王及天帝釋堪忍界主大梵天
王淨居天等并餘善神常來擁護不令一切

釋

持卷之三十九

十五

釋

灾橫侵惱如法所求無不滿足十方世界現
在如來應正等覺亦常護念令惡漸滅善法
漸增復次憍尸迦若善男子善女人等能於
般若波羅蜜多至心聽聞受持讀誦精勤修
學如理思惟書寫解說廣令流布是善男子
善女人等由此因緣言詞威肅聞皆敬受發
言稱量語不喧雜堅事善友深知恩報不爲
慳嫉忿恨覆惱諂誑矯等隱蔽其心何以故
憍尸迦是善男子善女人等由深般若波羅
蜜多增上威力調伏身心令其遠離貪恚癡
等睡眠纏結是善男子善女人等具念正知
慈悲喜捨常作是念我不應隨慳貪勢力若

隨彼力貧窮下賤則我布施不得圓滿我不
應隨破戒勢力若隨彼力墮諸惡趣則我淨
戒不得圓滿我不應隨忿恚勢力若隨彼力
當缺諸根形貌醜陋不具菩薩圓滿色身亦
復不能圓滿安忍我不應隨懈怠勢力若隨
彼力則不能修菩薩勝道亦不圓滿增上精
進我不應隨散亂勢力若隨彼力便不能修
菩薩勝定則諸靜慮不得圓滿我不應隨愚
癡勢力若隨彼力則我勝慧不得圓滿不起
聲聞獨覺等地況得無上正等菩提是故我
今不應隨彼慳貪等力憍尸迦是善男子善
女人等由此思惟常得正念諸惡煩惱不蔽

其心憍尸迦諸善男子善女人等共於般若
波羅蜜多至心聽聞受持讀誦精勤修學如
理思惟書寫解說廣令流布獲如是等功德
勝利

大般若波羅蜜多經卷第五百三十九 稱

稱 若五三十九

映奪 上下於敬反 計竿 下字 窞堵 上音 蘇沒 反 波

亦云塔婆今云塔梵 唯然 上上聲 殒滅 上徒


違拒 下音 莫耆 下渠夷反 蟲 俗直弓反 螫 上

各反 行毒也 一音釋 矯 居小反 隱蔽 下必反

大檀越成忠郎趙安國



五百



新刊

